

苗

光旦：亦作猫，見“苗（鎮遠）——沿革”片。又“猫”片。

苗——苗字濫用之例

《明史》卷二〇一《王軌傳》：

[芒部]隴氏舊部沙保……子普奴……連烏撒、水西苗攻剽畢節諸衛。

光旦：此以獠，即彝，爲苗。

《明史》卷二〇二《周期雍傳》：

[期雍發]陳金討江西賊[時]，縱苗殺掠[之狀]。

光旦：此苗主要是指永順、保靖土兵，今土家也。

光旦：前所遇濫用之例尚不止此二族，有機會須檢出。宋末及元始用“猫”稱，似不濫；元末及明清廣泛用“苗”字，始濫。

[苗]

《明史》卷四三《地理志四》：

[四川]平茶洞長官司（元溶江、芝子、平茶等處長官司。）洪武八年正月置，屬酉陽宣撫司。十七年直隸布政司。

《明史》卷四三《地理志四》：

[四川]溶溪芝蔴子坪長官司（元溶江、芝子、平茶等處長官司。）洪武八年改置，屬湖廣思南宣慰司。十七年五月直隸四川布政司。

《明史》卷四三《地理志四》：

[四川重慶衛酉陽宣慰司]石耶洞長官司（元石耶軍民府。洪武八年正月改爲長官司。）

《明史》卷四三《地理志四》：

[四川重慶衛酉陽宣慰司，又領]邑梅洞長官司（元佛鄉洞長官司。明玉珍改邑梅沿邊溪洞軍民府。洪武八年正月改置。）

[又領]麻兔洞長官司（洪武八年正月置。）

苗

《明史》卷四四《地理志五》：

[湖廣辰州府沅州]麻陽[縣]（……西有蠟爾山，與保靖司及四川、

貴州界，諸苗蠻在山下者凡七十四寨。)

光旦：曰與保靖司界，則縣境實包括今鳳凰、吉首、花垣等縣地，或其甚大之一部分，皆所謂“紅苗”地也。

《明史》卷四六《地理志七》：

[貴州都勻府]平浪長官司(……西南有凱陽山，上有滅苗鎮，即故凱口囤。)

光旦：此應是苗無疑，凱口囤當時苗初居時之名，滅苗鎮則漢人佔居後所改之名。

《明史》卷四六《地理志七》：

[貴州平越軍民府東南]楊義長官司(西有清水江……流經城西……北經乖西、巴香諸苗界，而入烏江。)

《明史》卷四六《地理志七》：

[貴州石阡府西南境]苗民長官司(洪武七年十月置，屬思州宣慰司。永樂十二年三月來屬[石阡府]。)

光旦：又同府南有葛彰葛商長官司，葛彰、葛商之稱之由來有二可能，其一苗也，苗之先與“鵠倉”之傳說有連；又其一佬佬也，黔之有葛彰，猶湘之有“古丈”也。

《明史》卷一三〇《胡海傳》：

[海久]鎮益陽。武岡、靖州、五開諸苗蠻先後作亂，悉捕誅首亂而撫其餘衆。

光旦：苗是廣義，苗之外，應尚有侗、瑤。

光旦：無年，當在洪武元至十四年間。

《明史》卷一三〇《吳復傳》：

[洪武]十四年，從傅友德征雲南，克普定，城水西。充總兵官，勦捕諸蠻。遂由關索嶺開筭道，取廣西。十六年克墨定苗，至吉刺堡，築安莊新城，平七百房諸寨，斬獲萬計，轉餉盤江。是年……[復]卒於普定……[復]在普定買妾楊氏，[自經以殉。]

光旦：墨定苗，所未詳，前未經見。妾楊，疑是當地花苗。

[苗]

《明史》卷一四四《顧成傳》：

從穎川侯傅友德征雲南，爲前鋒，首克普定，留成列柵以守。蠻數萬來攻，成出柵，手殺數十百人，賊退走。餘賊猶在南城，成斬所俘而縱其一曰：“吾夜二鼓來殺汝。”夜二鼓，吹角鳴礮。賊聞悉走，獲器甲無算……諸蠻隸普定者悉平。十七年平阿黑、螺螄等十餘寨。明年奏罷普定府，析其地爲三州、六長官司。（成因功進貴州都指揮同知。）

光旦：普定即後之安順，今多花苗；然其在明初疑亦以彝族爲主，姑列“[苗]”片。此洪武十四至十七年間事。

《明史》卷一四四《顧成傳》：

[永樂十一年（見《太宗實錄》卷一四三）]八月，臺羅苗普亮等作亂，詔成帥二都司三衛兵討平之。

光旦：臺羅，寨名，屬思州（見“苗（思州）”）；普亮等疑不是苗，而是彝，一時無從肯定，姑列此。

苗

《明史》卷一五五《宋晟傳》：

[洪武二十九]年，拜[晟]征南右副將軍，討廣西峽蠻諸寨苗，擒斬七千餘人。

光旦：此未必是苗，峽蠻當是寨名之一，所在待查。

《明史》卷一五六《毛勝傳》：

正統七年，[初征麓川後，]靖遠伯王驥請選在京番將舍人，捕苗雲南。乃命勝與都督冉保統六百人往。

光旦：此亦未必是苗，而可能是彝。

《明史》卷一五九《夏堦傳》：

[成化]八年以右副都御史巡撫四川。苗、獠時爲寇。堦立互知會捕法，賊爲之戢。古州苗萬餘，居爛土久，時議逐之，堦謂非計。……[事]得寢。……在蜀二年，民夷畏服。

光旦：四川之苗，當是指在省東南與貴州接壤處之苗，在今秀山縣南部；然恐所指不止苗耳，在酉陽之所謂“冉家”或亦在內，顧“冉家”與今湘西之“土家”同類，非苗也。

光旦：古州、爛土，皆今貴州地；時貴州已自有布政司，而巡撫四川者得可否其事，當是事關軍政，非民政，而此一帶之貴州軍政

歸四川管轄，猶黔東之歸湖廣管轄也。

《明史》卷一六六《蕭授傳》：

[宣德]七年，[討辰州蠻後，]移兵擊江華苗，討富川山賊，先後破擒之。（授自永樂十六年起以右軍都督僉事充總兵官，鎮守湖廣、貴州。）

光旦：江華之苗，嚴格言之，是瑶。

光旦：富川闖入廣西中部，所未喻^①。豈湘黔境內另有地名富川者耶？江西西南有富川水，亦若與此風馬牛不相及。

《明史》卷一六六《蕭授傳》：

先是，貴州治古、答意二長官司苗數出掠。授築二十四堡，環其地，分兵以戍，賊不得逞。久之，其酋吳不爾覘官軍少，復掠清浪，殺官吏。授遣張名擊破之。賊走湖廣境，結生苗，勢復張。授乃發黔、楚、蜀軍分道捕討。進軍箬子坪，誅不爾，斬首五百九十餘級。賊悉平。

光旦：清浪，明爲衛，清改爲青溪縣，屬思州府。

光旦：此條是苗不誤，其它文獻所稱紅苗、黑苗者也。紅苗、黑苗有吳姓（別有四姓，龍、石、廖、麻），此似初見。事亦在宣德七、八年中。

光旦：當時黔東與東北之苗頗若與漢人接觸較多較早，已成所謂熟苗，而湘西鎮、箬者尚是“生苗”，前所未喻也。

光旦：清乾嘉鎮箬苗起義失敗後，統治者用屯堡之法隔絕之，蕭授於三百六十餘年前已行之矣。

《明史》卷一六六《蕭授傳》：

正統元年（或略後）……上言（時方進右都督，佩征蠻副將軍印，仍鎮湖廣、貴州）：“靖州與廣西接壤，時苦苗患（此未必是苗——光旦）。永樂、宣德間，嘗儲糧數萬石，備軍興。比年儲糧少，有警，發人徒轉輸，賊輒先覺，以故不能得賊。乞於清浪、靖州二衛，各增儲五萬石，庶緩急可藉。”報可。

^① 富川位置偏廣西東邊，與湘之江華接界，現有江華瑶族自治縣。參《中國歷史地圖集·明》（地圖出版社，1982年）。——整理者注

《明史》卷一六六《蕭授傳》：

[正統]四年，貴州計沙賊苗金蟲^①、苗總牌糾紅江生苗作亂^②，僞立統千侯、統萬侯號。授督兵抵計沙，分遣都指揮鄭通攻三羊洞，馬曄攻黃柏山，大破之。[副總兵官都督僉事]吳亮窮追至蒲頭、紅江，斬總牌，千戶尹勝誘斬金蟲。於是生苗盡降。……（亦見本傳《吳亮附傳》，亮因功進右都督。）

光旦：苗人確有以苗爲姓者。參看王應麟《姓氏急就篇》及方氏《通雅》論江、鄂、岳三州間有“貓”姓。

自鎮遠侯顧成歿，羣蠻所在屯結。官軍討之，皆無功。授在鎮二十餘年，規畫多本於成，久益明練，威信大行，寇起輒滅，前後諸帥莫及也。論功，進左都督。

光旦：此論諸蠻，自不限於苗，然湘黔究以苗爲多，故錄於此。

《明史》卷一七一《王驥傳》：

[正統末年，]湖廣、貴州諸苗，所在蜂起，圍平越及諸城堡，貴州東路閉。驥[三征麓川還]，至武昌，詔還軍討苗。會英宗北狩，羣臣劾王振并及驥。以驥方在軍，且倚之平苗，置弗問。命佩平蠻將軍印，充總兵官，侍郎侯璉總督軍務。已而苗益熾，衆至十餘萬。平越被圍半歲，巡按御史黃鎬死守，糧盡掘草根食之。而驥頓軍辰、沅不進。景泰元年，鎬草疏置竹筒中，募人自間道出，聞於朝。更命保定伯梁瑋爲平蠻將軍，益兵二萬人。侯璉自雲南督之前，疾戰，大破賊，盡解諸城圍。而驥亦俘剽平王蟲富等以獻。

光旦：此自又是廣義之苗。下條同，參“佈依？”片。

《明史》卷一七二《王來傳》：

景泰元年，貴州苗叛。總督湖廣、貴州軍務侯璉卒於軍，進來（原爲左副都御史巡撫河南）右都御史代之。與保定伯梁瑋，都督毛勝、方

① 標點本《校勘記》：計沙，《明史》卷一〇《英宗前紀》、卷三一六《黎平傳》，《明史稿》傳四〇《蕭授傳》，《英宗實錄》卷五一正統四年二月丁巳條都作“計砂”。——整理者注

② 標點本《校勘記》：紅江，據《明史》卷三一六《黎平傳》，《明史稿》傳四〇《蕭授傳》，《英宗實錄》卷五一正統四年二月丁巳條應爲“洪江”。下同。——整理者注

瑛會兵進討。至靖州，賊掠長沙、寶慶、武岡。來等分道邀擊，俘斬三千餘人，賊遁去。已復出掠，官軍連戰皆捷。賊魁韋同烈據興隆，劫平越、清平諸衛，來與方瑛擊敗之。賊退保香爐山，山陡絕。勝、瑛與都督陳友三道進，來與瑛大軍繼之。先後破三百餘寨，會師香爐山下。發礮轟崖石，聲動地。賊懼，縛同烈并賊將五十八人降。餘悉解散。遂移軍清平，且檄四川兵共剿都勻、草塘諸賊。賊望風具牛酒迎降。賊平。

《明史》卷一七二《王來傳》：

[景泰]三年十月，[自貴州]召還（時來以右都御史總督湖廣、貴州軍務，初平湘黔“苗”亂，擒韋同烈於香爐山，受命兼撫貴州）……在道，以貴州苗復反，敕回師進討。明年，事平。召爲南京工部尚書。

《明史》卷一七二《馬謹傳》：

正統末，湖南叛苗掠靖州。命謹（時爲湖廣右布政使）同御史侯爵撫諭，參將張善率兵繼之。謹等至，招數千人復業，其出掠者擊敗之。尋與善破淇溪諸寨。景泰初，復與善大破臘婆諸洞。已[而]同參將李震擊破青龍渡、馬楊山諸賊，追奔至雞心嶺，先後斬首千四百有奇。師還，靖州賊復出掠，搗其巢，斬獲如前。武岡、城溪諸賊結廣西蠻，據青肺山，復與震攻破之。獲賊楊光拳等五百六十人，斬首倍之。扶城諸峒，聞風款附。……轉左布政使。

《明史》卷一七二《孔鏞傳》：

[成化後葉]以右副都御史巡撫貴州。清平部苗阿溪者，桀驁多智。其養子阿賴尤有力，橫行諸部中。守臣皆納溪賂，驕不可制。鏞行部至清平，詢得溪所昵者二人。遂以計擒溪，磔之。并討平雞背苗。郡蠻震懾。……

光旦：阿溪、阿賴，疑不是苗，而是彝或獠。

平樂李時敏者，爲信宜知縣。嘗與鏞共平徭亂有功，遷知化州。

《明史》卷一七〇《于謙傳》：

都督張軌以征苗失律，爲謙所劾。

光旦：自是景泰間事。軌旋亦爲誣陷謙之一人。軌征苗事本身當別有記述處（見卷一四五《張玉傳·子軌附傳》）。

《明史》卷一七五《劉玉傳》：

[天順初(二年或略後),以都督僉事充左參將分守貴州,]討西堡苗,繫其魁楚得。先後斬首千級,毀其巢而還。

光旦:此雖明言是苗,疑不是。

《明史》卷一七八《韓雍傳》:

成化元年,[雍大征大藤峽之役,軍出會州、桂林間,]陽峒苗掠興安,擊破之。[始進]至桂林。

光旦:陽峒苗不知果是苗否。

《明史》卷一七八《余子俊傳》:

……(成化十五年)播州苗竊發……(見“播州”片。)

光旦:此不應是苗,或不盡是苗。

《明史》卷一八八《陸崑傳·史良佐附傳》:

[爲]雲南副使。平十八寨苗。

光旦:約在弘治後葉。不知果是苗否。十八寨,專名,在彌勒縣西南。彝之可能性甚大,疑不是苗。

《明史》卷一八九《李文祥傳》:

弘治二年……貶貴州興隆衛經歷(原兵部主事)。都御史鄧廷瓚征苗,咨以兵事。

《明史》卷一七二《鄧廷瓚傳》:

弘治二年以右副都御史巡撫貴州。[越三年,]都匀苗也富架、長腳等作亂。敕廷瓚提督軍務,同湖廣總兵官顧溥、貴州總兵官王通等討之。副使吳倬遣熟苗詐降富架,誘令入寇,伏兵擒其父子。官軍乘勝連破百餘寨,生繫長腳以歸。羣蠻震懾。

廷瓚言:“都匀、清平舊設二衛、九長官司,其人皆世祿,自用其法,恣虐激變,苗民亂四十餘年。今元凶就除,非大更張不可。請改爲府縣,設流官,與土官兼治,庶可久安。”因上善後十一事,帝悉從之。遂設府一,曰都匀;州二,曰獨山、麻哈;縣一,曰清平。苗患自此漸戢。……進右都御史。……

光旦:年份未詳,應在弘治五至七年間(見“苗(貴州黑苗)”)。

[廷瓚]設施,動中機宜。其在貴州平苗功爲尤偉云。

[苗]

《明史》卷一六六《蕭授傳》：

永樂十六年擢右軍都督僉事，充總兵官，鎮湖廣、貴州。宣德元年，鎮遠印（邛）水蠻銀總作亂。指揮祝貴往撫，被殺。授遣都指揮張名破斬之。

光旦：邛水蠻是否為苗，尚待肯定。

《明史》卷一七五《何洪傳》：

景泰末，[以成都前衛指揮使]從征天柱、銅鼓……有功。

《明史》卷一八四《劉瑞傳》：

[弘治間（應在弘治十年光景，或略後），以翰林院檢討上言，有曰，]“都勻之捷，鄧廷瓚冒其功……請追正欺罔之罪。”報聞。

光旦：都勻之捷，見前片。

《明史》卷一八七《陳金傳》：

弘治[中（十三年以前），]歷雲南左布政使，討平竹子箐叛苗。

光旦：竹子箐，所在不詳^①。是否為苗，亦待肯定。

苗

《明史》卷一七二《劉丙傳》：

正德六年以右副都御史巡撫湖廣。所部鎮溪千戶所、箐子坪長官司與貴州銅仁、四川酉陽梅桐諸土司，犬牙相錯。弘治中，錯（鎮？）溪苗龍麻陽與銅仁苗龍童保聚眾攻剽，土官李椿等實縱之，而箐子百夫長龍真與通謀。後遂四出劫掠，遠近騷然。先後守臣莫能制。丙將討之，賊入連山深箐，為拒守計。丙率師破其數寨。賊走據天生崖及六龍山。貴州巡撫沈林兵繼至，連攻破之。前後擒童保等二百人，斬首八百九十餘級。都指揮潘助又破鎮、箐諸寨，擒麻陽等百六十人，斬首級如前。餘賊遠遁。

《明史》卷一九一《徐文華傳》：

正德[中]，擢……御史，巡按貴州。乖西苗阿雜等倡亂，偕巡撫魏

^① 竹子箐位於雲南廣西府維摩州東南。見《中國歷史地圖集·明》（地圖出版社，1982年）。——整理者注

英討之，破寨六百三十。

光旦：此果是苗否，待查。

《明史》卷一九三《費宏傳》：

[宏]世父瑄……弘治時爲兵部員外郎。貴州巡撫謝杲、總兵官吳經等奏爛土苗反，僭稱王，乞發大軍征討。以兵部尚書馬文升請，令瑄與御史鄧庠往按。白苗無反狀，撫定之。劾杲、經及鎮守中官張成罪。遷貴州參議。

《明史》卷一九四《鄒文盛傳》：

正德……十一年以右副都御史巡撫貴州。清平苗阿旁、阿階、阿革稱王，巡撫（前任）曹祥調永順、保靖土兵討之，尋被劾罷。阿旁等據香爐山，興隆、偏橋、平越、新添、龍里諸衛咸被其患。文盛至，檄川、湖兵協剿，以貴州兵擣礮木砦，擒阿革。川、湖兵至，抵山下，山壁立，惟小徑五，賊皆樹柵。仰攻不能克，乃製戰樓與崖齊，乘夜雨附崖登，拔柵焚廬舍。賊奔後山，據絕頂。官軍乘間梯籐木以上，遂擒阿旁，餘賊盡平。

光旦：清平，今爐山，當即因香爐山得名。

移師討平龍頭、都黎、都蘭、都蓬、密西、大支、馬羅諸砦黑苗，先後斬降無算。

苗（湖廣）

《明史》卷一一：

[景泰]三年……三月戊午，毛福壽討湖廣巴馬苗，克之。

光旦：巴馬，不詳^①。

《明史》卷一一：

[景泰]六年……十一月乙亥，南和伯方瑛爲平蠻將軍充總兵官，討湖廣苗。

光旦：此南和伯即從上年平貴州草塘司苗得來。

《明史》卷一一：

[景泰]七年……十二月己亥，方瑛大破湖廣苗。

^① 巴馬在廣西。今有巴馬瑤族自治縣。見《中國歷史地圖集·明》（地圖出版社，1982年）。——整理者注

《明史》卷一二：

[天順元年]二月……戊午，方瑛、石璞大破湖廣苗。

《明史》卷一四四《顧成傳》：

弘治二年，[成玄孫嗣侯溥]拜平蠻將軍，鎮湖廣。始至，捕斬苗中首惡。

光旦：此或是廣義之苗。

《明史》卷一五一《鄭賜傳》：

[洪武中、晚年間，與吳文同爲]湖廣布政司參議……二人協心剷弊，民以寧輯，苗獠畏懷。

《明史》卷三一二《四川土司列傳·酉陽宣撫司傳》：

正德三年，酉陽宣撫司護印舍人冉廷璽及邑梅長官司奏，湖廣鎮溪所洞苗聚衆攻劫，請兵剿捕。

苗(湖北)？

《明史》卷三〇九《張獻忠傳》：

[崇禎]十六年……獻忠……陷武昌……遂僭號，改武昌曰天授府……以興國州柯、陳兩姓土官悍勇，招降之。

光旦：鄂之興國有土民土官，前所未聞，《明史》上文亦未經見。自南宋至明末，江、鄂、岳三州間有苗或“貓”姓人，見王應麟《姓氏急就篇》及方氏《通雅》，興國州在鄂州江州間，豈亦有此種人乎？如或有之，則其首領亦即不妨被視爲土官矣。興國州今陽新縣。

苗(湖北施州)

《明史》卷三一〇《土司列傳·湖廣土司》：

蠻苗吳面兒之難，[施州]諸土司地多荒廢，長官(幾全部爲巴人後裔，或亦稱“土家”)亦罷承襲。至是(永樂二年)，故土官之子覃友諒等以招復蠻民，請仍設治所，[從之。]以其戶少，降爲長官司(散毛、施南)，隸大田軍民千戶所。以友諒爲散毛長官，覃添富爲施南長官。(互見)

光旦：苗自酉水以南陸續向北伸展，遠至鄂西南巴人舊地，此條是最好例證。

光旦：土家或巴人後裔從此多成地主，而苗則爲佃農，繩以清初顧彩《容美紀游》一書所反映之情況，可知此種地主實屬領主性質，而佃農實乃農奴，則可知此一隅之發展久久停滯在初期封建階段，遲至清雍、乾改土歸流以後，尚無甚變化也。

光旦：吳面兒事，在洪武十八年，其地則爲五開，距此甚遠，而土司地竟至於荒廢，足見此次起事影響甚廣，而苗之團結囊括今黔、湘、鄂三省邊區，此在苗族史上亦應大書特書之一事。

《明史》卷三一〇《土司列傳·湖廣土司》：

[永樂四年，]高羅安撫田大民言，招復蠻民四百餘戶，乞還原職[及]治所。木册長官田谷佐、唐崖長官覃忠孝，並言父祖世爲安撫，洪武時大軍平蜀，民驚潰，治所廢，今谷佐等招集三百餘戶，請襲，許之。

光旦：此所云“蠻民”、“民”，參前片覃友諒之例，皆苗也。惟其捨施州土地而他去，不必概與吳面兒之起事有涉耳。然苗之去來如是其易，頗若與土司之關係不甚固定，即苗之依附於土司似不甚緊密，是則領主與農奴之說尚可斟酌也。各土司均爲巴後，或亦稱“土家”，可不待言。下同。

[永樂]五年，鎮南長官覃興等來朝，稱係世職，洪武中廢，今招徠蠻民三百戶，乞仍舊……從之。

光旦：別有相類之例，此處不盡錄，見“[巴]（施州）——沿革”片。

苗（湖南武岡）

《明史》卷一一八《諸王傳三》：

[岷王朱徽燧（太祖第十八子岷莊王榘之後）]弟廣通王徽燧有勇力，家人段友洪以技術得寵。致仕後軍都事于利賓言徽燧有異相，當主天下，遂謀亂。作僞敕，分遣友洪及蒙能、陳添行人苗中^①，誘諸苗以銀印金幣，使發兵攻武岡（岷府所在地，岷府初在岷州，後改雲南，終移武岡）。苗首楊文伯等不敢受。事覺……除爵……時景泰二年十月也。

^① 標點本《校勘記》：陳添行，《明史稿》傳四《岷莊王榘傳》、《英宗實錄》卷二〇九景泰二年十月丁卯條均作“陳添仔”。——整理者注

[苗](沅州麻陽)

《明史》卷一五四《李彬傳》：

熙(彬裔孫嗣爵者)[世宗時]出鎮湖廣。……討平沅州麻陽叛蠻。

苗(湖南)

《明史》卷二四七《鄧子龍傳》：

麻陽苗金道侶等作亂，擢參將(本以署指揮僉事掌浙江都司)討之。大破賊，解散其黨。

光旦：事在萬曆最初十年間。

《明史》卷二四九《朱燮元傳·林兆鼎附傳》：

[崇禎]四年，[以總兵官(何省總兵官，未詳，惟知時歸朱燮元調遣)]遣將討湖廣苗黑酋(不知字有顛倒否，似若作“湖廣黑苗酋”較通，否則，“黑酋”當是苗首領之名)，攻拔二百餘寨。加左都督(本秩都督同知)。

《明史》卷二六九《姜名武傳·鄧祖禹附傳》：

[崇禎間]為辰沅參將，擒苗酋飛天王張五保，斬首千五百級，夷其巢。擢副總兵。

光旦：此雖曰苗，疑實乃仡佬，當地所稱“大、小張”也。

《明史》卷二八一《循吏傳·陳綱傳》：

成化[初]，授黔陽知縣。楚俗，居喪好擊鼓歌舞。綱教以歌古哀詞，民俗漸變。

光旦：此未必苗，亦可能漢人受苗影響者。

《明史》卷三一〇《土司列傳·湖廣土司》：

[永樂]三年，辰州衛指揮龔能等招諭箐子坪等三十五寨生苗廖彪等，各遣子入貢。因設箐子坪長官司，以彪為之，隸保靖[宣慰使司]。

光旦：湘西今土家族、苗族自治州首府吉首(舊乾城)迤東之苗，在明初猶屬“生苗”。

光旦：苗人首領自為長官，此為不多見之一例，其在湖南，可稱僅見。此一帶雖亦土、苗雜居，苗究佔絕大多數也。

《明史》卷三一〇《土司列傳·湖廣土司》：

[永樂]十二年，箐子坪賊吳者泥自稱苗王，與蠻民(亦苗也)苗金

龍等爲亂，總兵梁福平之。未幾，者泥子吳擔竹復誘苗吳亞麻糾貴州答意諸蠻（亦苗也）叛，都督蕭授斬平之。

苗（思州、靖州）

《明史》卷六《成祖二》：

〔永樂〕十一年……八月……乙丑，鎮遠侯顧成討思州、靖州叛苗。

光旦：苗之名，於《明史》初見，但稱苗者是否真爲苗，或僅爲苗，尚待考。

《明史》卷七《成祖三》：

〔永樂〕十二年……正月庚寅，思州苗平。

《明史》卷七《成祖三》：

〔永樂十二年〕九月……丙戌，靖州苗平。

苗（湖廣、貴州）

《明史》卷一〇：

〔正統〕十四年……四月……壬戌，湖廣、貴州苗賊大起，命王驥討之。

《明史》卷一〇：

〔正統十四年〕六月庚戌，靖州苗犯辰溪，都指揮高亮戰死。

《明史》卷一一：

〔正統十四年〕九月（英宗北狩在八月）……甲辰……都督同知陳友帥師討湖廣、貴州叛苗。……丙午，苗圍平越衛，調雲南、四川兵會王驥討之。

《明史》卷一一：

〔正統十四年〕十一月……辛卯，毛福壽爲副總兵，討辰州叛苗。

光旦：此中必有土家。

《明史》卷一一：

〔正統十四年〕十二月……辛亥，王驥爲平蠻將軍，充總兵官，討貴州叛苗。

《明史》卷一一：

〔景泰元年〕四月……丁亥，保定伯梁瑄代王驥討貴州叛苗。……五月……丙寅，侍郎侯璉、副總兵田禮大破貴州苗。……七月庚戌，尚

書侯璉、參將方瑛破貴州苗，擒其首獻京師。……九月癸丑，巡撫河南副都御史王來總督湖廣、貴州軍務，討叛苗。

《明史》卷一一：

[景泰]二年……四月乙酉，梁珤、王來等破平越苗，獻俘京師。……七月戊申，普定、永寧、畢節諸苗復叛，梁珤等留軍討之。

《明史》卷一五四《梁銘傳》：

景泰元年拜[珤(銘子)]平蠻將軍，代王驥討貴州苗。其冬，分四道進攻，大敗之，斬首七千有奇，破寨五百。明年自沅州進兵，與都督方瑛破賊於興澤，又大破之香鑪山，俘僞王韋同烈等，擒斬數千人。分兵攻都勻、草塘諸苗，悉震恐，降。師還，苗復叛，珤復與瑛討平之。……

四年討平湖廣清浪叛苗。

光旦：景泰元年之起事，當係此一帶各少數民族合作爲之者。

韋同烈恐不是苗，而是仲家，今稱佈依。

《明史》卷一五六《毛勝傳》：

景帝進勝左都督……貴州苗大擾，詔勝往討。未行，而也先逼京師。[勝禦之有功]……事定，乃命以左副總兵統河間、東昌降夷赴貴州。

賊首韋同烈據香鑪山作亂，勝與總兵梁珤、右副總兵方瑛等從總督王來分道夾擊。勝進自重安江，大破之。會師山下，環四面攻之。賊窘，縛同烈降。

還討湖廣巴馬諸處反賊，克二十餘寨，擒賊首吳奉先等百四十人，斬首千餘級。封南寧伯……

光旦：吳奉先自是苗人，足證上所云民族合作之推測。此番起

事，區域亦廣，跨湘、黔兩省，亦由此見之。

《明史》卷一六〇《石璞傳》：

[景泰七]年，湖廣苗亂，命璞[以兵部尚書]總督軍務，與南和伯方瑛討之。天順元年以捷聞。

苗——與方瑛、李震

《明史》卷一六六《方瑛傳》：

景泰元年……貴州羣苗叛，道梗……四月拜右副總兵，與保定伯梁

瑄、侍郎侯璉次第破走之。進右都督。復破賞改諸砦，擒僞苗王王阿同等。……

三年秋……命瑛〔以右都督〕鎮守貴州。其冬，討白石崖賊，俘斬二千五百人，招降四百六十砦。進左都督。

光旦：白石崖在安順北，此一帶應是所稱“花苗”之地。

《明史》卷一六六《方瑛傳》：

〔景泰六年，〕湖廣苗叛，拜瑛平蠻將軍，率京軍討之……七年，賊渠蒙能攻平溪衛。都指揮鄭泰等擊卻之，能中火槍死。瑛遂進沅州。連破鬼板等一百六十餘砦。與尚書石璞移兵天柱，率陳友等分擊天堂諸砦，復大破之。克砦二百七十，擒僞侯伯以下一百二人。時英宗已復位。……璞召還，瑛留鎮貴州、湖廣。瑛討蒙能餘黨，克銅鼓藕洞一百九十五砦，覃洞、上隆諸苗各斬其渠納款。帝嘉瑛功，進侯。

《明史》卷一六六《方瑛傳·陳友附傳》：

景帝即位，進都督同知，征湖廣、貴州苗。尋充左參將，守備靖州。景泰……四年春（時破香爐韋同烈後，進右都督，留鎮湖廣）奏斬苗五百餘級，五年又奏斬苗三百餘，而都指揮戚安等八人戰死。兵部疑首功不實，指揮蔡昇亦奏友欺妄。命總督石璞廉之，斬獲僅三四十人，陷將士千四百人……詔令殺賊自効。

光旦：此中疑或有伺人，不盡是苗也。

《明史》卷一六六《方瑛傳·陳友附傳》：

天順元年隨瑛征天堂諸苗，大獲。命充左副總兵，仍鎮湖廣。已〔而〕又偕瑛破蒙能餘黨。召封武平伯。

《明史》卷一六六《李震傳》：

景帝即位，〔以都指揮同知〕充貴州右參將。擊苗於偏橋，敗之。……

方瑛討苗，乞震隨軍……從瑛大破天堂諸苗，仍充左參將。瑛平銅鼓諸賊，震亦進武崗，克牛欄等五十四砦，斬獲多。進都督僉事。……

初（當在景泰末天順初），麻城人李添保以逋賦逃入苗中，僞稱唐太宗後，衆萬餘，僭王，建元武烈，剽掠遠近。震（時以都督僉事充總兵官，鎮貴州、湖廣）進擊，大破之。添保遁入貴州鬼池諸苗中，復誘羣苗

出掠。震擒之，送京師。尋破西堡苗。……

光旦：事俱在天順五年之前。

[天順]七年冬，苗據赤谿浦洞長官司。震（時專鎮湖廣，另李安充總兵官，守貴州）與[李]安分道進，斬賊渠飛天侯等，破砦二百，遂復長官司。進都督同知。……

光旦：此長官司在錦屏縣境，元首置，清廢。

成化改元，守備靖州。都指揮同知莊榮奏，貴州黎平諸府密邇湖廣五開諸衛，非大將總領不可。乃復命震兼鎮貴州。未幾，獲賊首苗蟲蝦。

《明史》卷一六六《李震傳》：

武崗、沅、靖、銅鼓、五開苗復蜂起，而貴州亦告警。震（成化改元以來，仍兼鎮湖廣、貴州）言貴州終難遙制，請專鎮湖廣。許之。乃還兵。由銅鼓、天柱分四道進，連破賊，直抵清水江。因苗爲導，深入賊境。兩月間破巢八百，焚廬舍萬三千，斬獲三千三百……

當是時，震威名著西南，苗獠聞風畏懾，呼爲“金牌李”。……

光旦：無具體年份，但知在成化七年以前。其時震已進爲右都督。

[成化]十一年，苗復犯武崗、靖州，湖湘大擾。震與巡撫劉敷等分五道進，破六百二十餘砦，俘斬八千五百餘人，獲賊孥萬計。論功封興寧伯。……

震在湖湘久，熟知苗情，善用兵。一時征苗功，方瑛後，震爲最。

《明史》卷一六六《王信傳》：

[成化]十三年，以[署都督僉事]佩平蠻將軍印……鎮湖廣。……靖州及武崗蠻久不戢，守臣議剿之。信親詣，犒以牛酒，責其無狀，衆稽顙服罪。

光旦：此及上若干條數及武崗、靖州；當時之武崗疑尚有瑤，靖州則有侗，不止苗也。

苗——與彭倫

《明史》卷一六六《彭倫傳》：

成化初，[以]都指揮使守備貴州清浪諸處，討破茅坪、銅鼓叛苗。

賊掠乾溪，倫討之。賊還所掠，與盟而退。倫以賊入時，道邛水，諸砦不即邀遏，乃下令，賊入境能生致者予重賞，縱者置諸法。由是諸司各約所屬，凡生苗輒入，即擒之，送帳下者纍纍。倫大會所部目把，縛俘囚真高竿，集健卒亂射殺之，復割裂肢體，烹噉諸壯士。罪輕者截耳鼻使去，曰：“以此識，再犯不赦矣。”因令諸砦樹牌爲界，羣苗股栗不敢犯。

明年（成化二年？）充右參將，仍鎮清浪。……妖賊石全州潛入綏洞，煽動古州苗，洪江、甘篆諸苗咸應之。倫遣兵截擒，並搜獲其妻子。諸苗將攻鎮遠，倫大敗之，斬首及墮崖死者無算。無何，印（邛）水十四砦苗糾洪江生苗爲逆。倫分五哨往，甫行，雨如注，倫曰：“賊不虞我，急趨之，可得志也。”競進夾攻，繫其魁，俘斬餘黨。賊盡平。

靖州苗亂，湖廣總兵官李震檄倫會討。軍至邛水江，諸熟苗驚，欲竄。倫與僉事李晃計曰“苗竄必助賊”，乃急撫定之。又緣道降天堂、小坪諸苗。既抵靖州，倫將右哨，出賊背布營。賊走據高山，倫軍仰攻之，賊敗走。遂渡江，搗其巢，大獲。乘勝攻白崖塘。崖高萬仞，下臨深淵，稱絕險。倫會左哨同進，得徑路。夜登，賊倉皇潰。追斬二千餘級，俘獲如之，盡夷其砦。

初，臻剖六洞苗侵熟苗田，不輸賦，又不供驛馬，有司莫敢問。倫遣人諭之，頓首請如制。

錄功，進都督僉事。

苗（湘、黔）

《明史》卷一九四《鄒文盛傳》：

（正德近末，重安司土舍馮綸與凱里司楊弘有怨，弘卒，綸糾合諸苗與凱里相讎殺，因未能肯定馮、楊與所云諸苗究否爲苗，暫列“[彝？]”片中，此不另錄。）

《明史》卷一九五《王守仁傳》：

正德元年冬……謫貴州龍場驛丞。龍場萬山叢薄，苗、獠雜居。守仁因俗化導，夷人喜，相率伐木爲屋，以棲守仁。

《明史》卷二〇八《余珊傳·汪珊附傳》：

巡撫貴州時，討都勻叛苗有功。

光旦：事應在嘉靖初、中葉間。